

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa za policijskog komesara, načelnik Sektora kriminalističke policije Milorad Bašić, (u daljem tekstu Ugovorni organ)

i
KM TRADE d.o.o Visoko, Čaršijska bb, ID: 4218204070008, koga zastupa direktor Nihad Mašić (u daljem tekstu: Dobavljač)

zaključili su:

UGOVOR O NABAVCI DIJELOVA UNIFORME ZA POTREBE UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Član 1.

Predmet ovog Ugovora je nabavka dijelova uniforme, za potrebe Uprave policije MUP-a Kantona Sarajevo, i to:

- LOT 1 – Jakne (zimski jakna – 120 komada, kratka jakna – 120 komada)
- LOT 2 – Opasači sa dodacima (120 komada)
- LOT 3 – Cipele (120 komada)

Nabavka je izvršena putem otvorenog postupka, na osnovu Odluke broj 02-14-4-1569/19 od 21.03.2019. godine.

Član 2.

Ugovorne strane su se sporazumjele da kupoprodaja iz člana 1. Ugovora obuhvata sve elemente navedene u ponudi Dobavljača, i to za:

- LOT 1 – Jakne broj: 11/04/2019-1 od 19.04.2019. godine
- LOT 2 – Opasači sa dodacima broj: 11/04/2019-2 od 19.04.2019. godine
- LOT 3 – Cipele broj: 11/04/2019-3 od 19.04.2019. godine,

i na osnovu koje je, zajedno sa elementima iz tenderske dokumentacije i sačinjen ovaj Ugovor.

Član 3.

Ukupna cijena predmetne nabavke sa uključenim PDV-om iznosi za:

- LOT 1 – Jakne 65.988,00 (šezdesetpethiljadadevetstinaosamdesetosam i 00/100) KM
- LOT 2 – Opasači sa dodacima 20.989,80 (dvadesethiljadadevetstinaosamdesetdevet i 00/100) KM
- LOT 3 – Cipele 21.060,00 (dvadesetjednahiljadašezdeset i 00/100) KM

Ukupna cijena ovog Ugovora za predmetnu nabavku, sa uključenim PDV-om, iznosi 108.037,80 (stoosamhiljadatridesetsedam i 80/100) KM.

Cijena i ostali elementi ovog Ugovora se ne mogu mijenjati.

Član 4.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 5.

Dobavljač se obavezuje da će robu iz člana 1. ovog Ugovora isporučiti najkasnije u roku od 120 (stotinudvadeset) dana od dana stupanja na snagu ovog Ugovora, na adresu Ugovornog organa, Magacin Rakovica, 71 000 Sarajevo.

Sve troškove isporuke do primopredaje, kao i troškove reklamacije snosi Dobavljač.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostatka na ime izvršene nabavke iz člana 1. ovog Ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog Ugovora.

Član 6.

Plaćanje za isporučenu opremu će se vršiti u roku od 30 (trideset) dana od dana ispostavljanja robe i dostavljanja pojedinačne fakture, na tekući račun Dobavljača.

Član 7.

Ukoliko Ugovorni organ ocijeni da Dobavljač nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 2. ovog Ugovora, Ugovorni organ može jednostrano, bez saglasnosti Dobavljača, raskinuti ovaj Ugovor.

Član 8.

Garancija Dobavljača na isporučenu opremu iznosi za:

- LOT 1 – Jakne – zimska jakna 48 (četrdesetosam) mjeseci i kratka jakna 24 (dvadesetčetiri) mjeseca
- LOT 2 – Opasači sa dodacima 48 (četrdesetosam) mjeseci
- LOT 3 – Čipele 24 (dvadesetčetiri) mjeseca

i počinje da vrijedi od datuma isporuke opreme.

Dobavljač se obavezuje da će poštovati sve garantne uslove, a u toku trajanja garantnog perioda.

Ova obaveza Dobavljača se ne odnosi na štetu koja nastupi kao posljedica nestručnog rukovanja i više sile.

Član 9.

Na ostala prava i obaveze ugovornih strana, koja nisu regulisana ovim Ugovorom primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog Ugovora, Ugovorne strane će rješavati sporazumno.

U slučaju nemogućnosti sporazumnog rješavanja, Ugovorne strane utvrđuju nadležnost Suda u Sarajevu.

Član 11.

Svaka od Ugovornih strana može otkazati ovaj Ugovor u pisanoj formi, uz otkazni rok od 15 (petnaest) dana iz razloga koji su utvrđeni Zakonom o obligacionim odnosima.

Član 12.

Ovaj ugovor je zaključen, kada isti potpišu obje ugovorne strane i traje do realizacije ugovorene isporuke.